



Bosnia and Herzegovina  
Federation of Bosnia and Herzegovina

**CANTON SARAJEVO**  
Ministry of Veteran's affairs

Broj: 06-04-21396/21  
Sarajevo, 12.05.2021. godine

**Bosna i Hercegovina**  
Federacija Bosne i Hercegovine  
**Skupština Kantona Sarajevo**  
- OVDJE -

**PREDMET:** Zastupnička inicijativa za izmjenu i dopunu Intrukcije o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 38/20), **obavijest** -

**VEZA:** Vaš Akt, broj: 01-04-19718-20/21 od 29.04.2021. godine.

Poštovani,

Ministarstvu za boračka pitanja Kantona Sarajevo je dana **29.04.2021.** godine dostavljen Vaš akt broj: 01-04-19718-20/2, kojim se traži od ovog organa dostavljanje obavijesti vezano za inicijativu za izmjenu i dopunu Intrukcije o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 38/20), pokrenutu od strane **Skupštinske zastupnice Smiljane Viteškić.**

Inicijativa za izmjenu i dopunu Intrukcije o bližoj primjeni kriterija vrednovanja prema Uredbi, se prema **Skupštinskoj zastupnici Smiljani Viteškić** odnosi na: " član 3, stav f. tačka 1. gdje iza teksta Osnovno uvećanje za dijete demobilisanog borca čiji otac...i majka ili otac i majka , ili roditelji imaju 23 mjeseca učešća u oružanim snagama .. **Suština je da se i učešće majke u oružanim snagama tretira kao i učešće oca.**

U Instrukciju bi se trebala dodati riječ majka ili roditelji, jer je nemjerljiv doprinos majki u oružanim snagama, takođe ovaj član treba precizirati **zbog praktičnijeg rada konkursnih komisija** .



Naime kao odgovor na inicijativu nudimo slijedeće činjenice:

U **članu 3.** Zakona o dopunskim pravima boraca - branitelja Bosne i Hercegovine (Novi Prečišćeni tekst), "Sl. novine Kantona Sarajevo" broj 18/21, određeno je da :

"Pojmovi utvrđeni u prethodnom članu i svim ostalim odredbama Zakona gdje se spominju u različitim padežima zamjenjuju se riječima u odgovarajućem padežu. **Sve imenice koje se odnose na nosioce pojedinih prava, upotrijebljene u ovom Zakonu samo u muškom ili samo u ženskom rodu, odnose se na oba spola.**

U **članu 2.** Uredbe o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 37/20), određeno je da :

" Izrazi koji se koriste u ovoj uredbi, a imaju rodno značenje koriste se neutralno i **odnose se jednako na muški i ženski rod**"

Instrukcija o bližoj primjeni kriterija vrednovanja prema Uredbi o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo ("Službene novine Kantona Sarajevo", broj 38/20), je akt kojim se utvrđuje bliži način provođenja člana 6. Uredbe , tj. bodovanje, te kao takav slijedi pravnu terminologiju i kvalifikacije pojmova kako je definisano u navedenom Zakonu i Uredbi.

Takođe, želimo napomenuti da je Uredba o jedinstvenim kriterijima i pravilima za zapošljavanje branilaca i članova njihovih porodica u institucijama u Kantonu Sarajevo, Gradu Sarajevo i općinama u Kantonu Sarajevo koju je donijela Vlada Kantona Sarajevo stupila na snagu **18.09.2020.** godine, dakle već se primjenjuje 8 mjeseci i da nije u praksi kao takva bila predmet nerazumjevanja u **radu konkursnih komisija** u smislu primjene bodovanja na kandidate, tako da se u praksi **učešće majke u oružanim snagama tretira kao i učešće oca.**


**Obradio :** Hašim Halilović. dipl. pravnik

**Kontrolisao :** mr. Osman Smajlović



**Dostaviti:**

-Naslovu,  
-a/a.



web: <http://mbp.ks.gov.ba>  
e-mail: [mbp@mbp.ks.gov.ba](mailto:mbp@mbp.ks.gov.ba)  
Tel: + 387 (0) 33 562-012,  
Fax: + 387 (0) 33 562-251  
Sarajevo, Reisa Džemaludina Čauševića 1

